

INUIT ATAQATIGIIT

Inatsisartuni



UPA 2019/10
09.05.19
Múte Bourup Egede

Aningaasaqarnikkut ingerlatsineq pillugu Nalunaarusiaq 2019

(Aningaasaqarnermut Aatsitassanullu Naalakkersuisoq)

Tamatta atorfissaqaratta, tamatta inuiaqatigiinni kalaallini inissaqartitaasariaqarpugut. Nunatsinni inuit misigisimassaagut inuiattut ataatsimoorfissaqarluta ammip qalipaataa, oqaatsit upperisaq assigiinngissutsilluunniit allat tunngavigalugit immikkoortitaanata. Inuiaat anersaakkut kinaassutsimikkullu sanngisuut tassaasariaqarput inuit assigiinngisitaarnerannik nukittoqquteqarlutik ingerlaartut aamma inuiannik nunanillu allanik suleqateqarsinnaasut, inuiattut soqutigisat pisariaqartitallu angunissaannut suleqateqarsinnaasut. Anguniagaqarlutik siunnerfeqartut tunngavigisaminnik.

Nunatsinnimi ulluinnarni atukkagut pitsaanerulersissagutsigit aningaasarsiornikkullu imminut napatinnissarput angujumagutsigu, inuit kikkut tamarmik suleqataanissaat pisariaqartipparput. Pisussaaffigaarput isummersuinnarata aamma suliaavut ilisimassagivut, nunallu siuttui tassaasariaqarput naalakkersuinnikkut inuiattut anguniakkatsinnut aqquserniortussat timitaliisussallu. Innuttaasut peqataatilluarlugit sulianullu malinnaatilluassallugittaaq pisussaaffeqartut

Inuiaqatigiittut naalakkersuinnermi alloriarfissavut tulliit periarfissanik nutaarpassuarnik ammaassissapput, akisussaaffinnillu nutaanik nassataqartussaapput. Ileqquliutiinnakkavut sungiusimasavullu arlallit aamma allanngortittariaqarpavut. Inuiaqatigiittut naalakkersuinnikkut siulersorneqarnerput innuttaaqatigiittullu ikorfartoqatigiilluta suleqatigiissinnaanerput aalajangiisuulluinnartussaapput ilumut inuiattut anguniakkavut siunissami angujumaarnerigut.

2019-imut Aningaasaqarnikkut ingerlatsineq pillugu nalunaarut kingumut naqissuseeqqippoq ullumikkutut nunatta ingerlanera tunngavigeqqissallugu periarfissaanngitsoq.

Nunarput aningaasarsiorluarpoq. Suliffissaaleqisut appariartorput. Pissutsit ajunngitsumik ingerlagaluartut nuannaarutissaagaluartullu illuatungeqarnerat nalunaarummi uppersarneqarmat allannguisariaqalerpugut. Inuiaat kalaallit atukkamikkut naligiinnginnerat qaffakkiartuinnarpoq. Peqarluareersut pinikkaluttuinnartut, sulisartukkut akunnattumillu isertitallit ulluinnarni inuuniapiloorput. Naatsumik oqaatigalugu aningaasarsiorneq inuianniit pisortanut suliffeqarfissuarnullu sukkasuumik nuukkiartuinnarpoq, taakku kismik ingerlallualertorput.

Anguniartigu suleqatigiiffigalugulu Kalaallit Nunaat naapertuilluartumik ingerlanneqartoq. Atukkatigullu naligiinnginnerup appassinnerpaaffianiitsinneqarnissaa. Sulisartukkut akunnattumillu isertitallit ineriartornermut peqataatillugit. Neriut inuianni pilersinniartigu inuttusiartoqqilernissarput aqqutissiuullugu. Inuiaat anersaakkut nukittuut, qimoqataanissaminnut nukissaqarluartut, isumassugassanut isumassuilluarsinnaasut anguniartigit. Ataatsimoorutta angussavarput.

Inuussutissarsiornikkut nutaaliorneq

Atukkatigut naligiinnginneq annikinnerpaaffianiitsinniarutsigu avaqqussinnaanngilarput inuussutissarsiornikkut ullumerniit sulii pitsaanerusumik ingerlanissarput sukkannerusumillu aallartitsisinnanissarput. Inuussutissarsiornikkut nutaaliornissaq pisariaqarpoq, inuussutissarsiutilli pioreersut aamma nutarternerisigut aningaasarsiornikkut akilersinnaasunngorsaaneq patajaallisaanissarlu aamma pisariaqarpoq.

Nunatsinni inuussutissarsiorfinnik nutaanik pisariaqartitsisoqarnera nalunaarummi oqallisigisatsinni uppersarneqaaqqippoq. Aalisarneq nunatta inuuniarnikkut inuussutissarsiornikkullu nappataa ukiorpassuarnilu sulii nappatigiumaagaa, inuussutissarsiutinit allanit annertunerusumik tapertaqartittariaqarparput. Aporfiit inerisaanissamat pilersissimasagut peertariaqarpagut eqaallisagassagullu aqqillugit.

Aatsitassarsiorneq, nunami suliffissat, takornariaqarneq, nutaaliornit, nunalerineq allallu periarfissat inerisassallugit periarfissaraagut. Tamatigut inerisarniakkagut angisoorsuusariaqannginnerat tikilluaqqusariaqarparputtaaq. Annikitsunnuamimmi aallartitat ineriartorluarnermikkut iluaqutaalluarsinnaammata assigiinngisitaarluartumillu inuussutissarsiornikkut ingerlasoqarnera nunatta aningaasarsiornieranut iluaqutaasussaammat. Eqqaamasariaqarparpulli ineriartorneq qanoq ittorpiaq kissaatiginerlutigu aamma sammissallugu. Siunnerfiliilluta anguniagassissagutta tamanna avaqquneqarsinnaanngimmat. Inuiaallu qulaatiinnarlugit ineriartorneq ilusilersorneqannginniassammat.

Inuussutissarsiornikkut nukittorsaanissami aamma avaqqukkuminaappoq nunanut allanut politikkimik ingerlatsinitta annertusarnissaa. Nunanik tamalaanik suleqateqallaqqissuuneq aamma isumaqarmat, nunanik allanik niueqateqallaqqinneq. Niueqateqallaqqinnerlu isumaqarmat aningaasarsiorniarneruneq nunami suliffissanik ataavartunik ineriartorfiusunillu pilersitsineq. Taamatullu ulluinnarni inuuniarnitsinnut tunngaviliisuusoq.

Aalisarneq ingerlalluartoq

Aalisarnikkut ukiuni kingullerni akit qaffasinnerat aningaasarsiorniarnera aallaavigaa. Ilami akit imak pitsaatigilersimapput 2018-ip ingerlanerani allaat saarulluup nunatta avataanut niuerutigineqarnermini qalerallimmiit akisunerulersimanera nalunaarummi uppersarneqarmat. Aalisarnermi ingerlalluarnerput ingerlalluartoqarnissaalu qulakkeertariaqarpaput nunatta atugarissaarnikkut nappatigimmagu. Eqqaamajuassavarpullu kingulissatta imaanik inuussutissarsiuteqarnitta aamma iluaqutiguarnissaanik periarfissaqaaqqullugit piujuartitsineq aallavigalugu ingerlatsinissarput.

Aalisarnermut politikki tassaannaanngilaq aalisarneq pillugu inatsit. Aalisarneq nunarsuup sinneranut politikkeqarnitsinnut, atugarissaarnitsinnut, aammalu nunarsuarmioqatitsinnit pisariaqartinneqarnitsinnut allarpassuarnullu erfalasoraarput. Aalisarnermi periarfissarpasuit inerisinneqarsinnaasut kuseriarniminiinnaat aningaasarsiornifigaarput annertusaasariaqarpugullu.

Piumassuseqarnerusariaqarpugut! Matut ammarneqarsinnaasut ammartariaqarput, aallartitoqartariaqarpoq. Nalitunerusumik niuerfennut appakaannissaq anguniartuartariaqarpoq. Taamaapportaaq aalisarnermik inuussutissarsiut eqqarsaatigalugu. Aalisarnermik inuussutissarsiuteqarnermik nappateqarnerput tassaasariaqaraluarportaaq ilinniarfissarpassuarnik piginnaanerpasuarnillu nassaassarsiornifik ineriartorfiusoq. Nunarsuup sinneranut niuernikkut ilinniagassat nutaaliornifissarpasuillu pigaagut, kisianni atunngilagut.

Inuussutissarsiornikkullu periarfissavut aallaaviginerullugit ilinniartitaanitta aaqqissuunnissaa piffissanngorpoq. Pikkoriffigut inerisarnerutigut siuariartorumalluta.

Ilinniartitaaneq atukkatigut naligiinnginnerulersitsissaaq

Ilinniartitaaneq siunissami qaammaasaqalernissamut suliassanillu aallussinissamut piginnaanernik katersuiffiuvoq pingaarutilik. Nunatsinni ilinniartitaaneq aningaasalersorluarneqarpoq aamma taamaassaaq. Imammi aningaasalersorluarneqartigaaq allaat inuiaqatigiinni pisariaqartitat allat pilliutigalugit aningaasalersuineq annertusarneqarsimavoq. Pissutsillu taamaattariaqartutuinnaq isigilerneqassanngippata nutaamik ilinniartitaanermut aningaasalersueriaaseq aaqqissuussaanerlu nalilersuiffigeqqinneqassasoq Inuit Ataqtigiit isumaqarpugut.

Ilinniartitaanikkut qaffassartuarnissarput alakkaamasaqartuunissarpullu anguniagaajuassapput. Ilinniartitaanermi naammattunik uppersaatissaqartitsivoq imminut akilersinnaasoq. Nalunaarummittaaq takusinnaavarput suliffissaaleqisut amerlanerpaartaat ilinniagaqarsimanngitsuusut atorfillu nammineq inuttalerumaarlugillu inuttalerusutagut aamma nalunngilarput ilinniarsimasuunissamik piumasaaqatitaqartut.

Ilinniartitaanerup pitsaasup ingerlalluartullu sorlaqarfia tassaavoq meeqqat toqqissisimasut ilinniarusussuseqartut – Inuiaqatigiit peqqissut.

Meerartatta naarmiuulernerminniit ilaqutaasalu pitsaanerpaamik atugaqartinnissaat aqutissiuutsinnatigu; inuiaqatigiinnilu ilaqtariittut atukkat aallaavigalugit unammilligassagut siusissukkut iliuuseqarnikkut aaqqiivigivitsinnagit, ilinniartitaanikkut siuariartornissarput pitsaanerpaaffissaminiilernaviannigilaq. Kingusinaarluta iliuuseqarniartarnermik periuseqartarsimanitta naammattumik tunngavissaqartippaatigut siusissukkut iliuuseqarneq tassaasoq aqut atugassaq pitsaanerpaaq.

Meeqqat atuarfiat ilinniartitaanerlu tamakkiisoq pitsanngorsassavarput. Aallartiffissarpulli pingaarneq siulliutsigu. Unammilligassarpummi sorlaaniit pitsanngorsaavigilinngikkutsigu angorusutarput qanillipallannaviannigilaq. Toqqammavissitsigit pilersissallugit meeqqat ilaqtariillu anersaakkut timikkullu nukittuut.

Pissutsit taamaattussaannartut isiginagit ilinniartitaaneq atuartaanerlu meeraq qitiutillugu ineriartortitsiviussappat aningaasalersueriaaseq nutaamik nalilersorneqartariaqarpoq. Aamma tamatta nalunngilarput massakkut allaffissornerup silarsuaanut ilinniartitsinerit aningaasalersorneqarnerat annertooujussuusoq. Naak politikikkut namminersornermilu anguniagassatut siunertat annertunersaat inulerinermi, aatsitassarsiornermi inuussutissarsiutinullu nutaanut allanut sammitinneqarnissaat sakkortuumik kaammattuutaagaluartut.

Ilinniartitaanermut, isumaginninnermi inuussutissarsiornermullu politikki, siunissamilu sulisoqarnikkut anguniakkat ataqtigiimmik siunertalimmillu nalilersuiffigalugit nutarterneqarnissaat pisariaqarpoq. Siunertaasariaqarmammi inuit nunaminni namminneq aqutsilernissaat. Suullu tamarmik ataqtigiinnerat aallavigalugu aaqqissuussisariaqarpugut.

Inuit Ataqtigiit maluginiarparput suliassaqarfippassuarni naalackersuinikkut ineriartortitsineq arlalitsigut namminersulernitta suliakkiissutitaanut naapertuuppallaanngitsunik sammivilersorneqartoq. Namminersorneq eqqukkatsigu tamannalu sioqqullugu ataatsimut siunnerfeqaqatigiissimaneq amigaatiginarsisoq malunnarpoq. Nunatta illernit suut tunngavigalugit siuarsarnissaa atorfilittanik aqutaanani, politikikkuinnaarlugu aqutaanani,

innuttaasunit tamanit ataatsimut aqutaalluni inerisarneqartariaqarpoq. Innuttaasut nunatta ineriartorneranut piginneqataasariaqarput peqataatinneqarluartariaqarlutillu.

Isumaginninneq sulinerlu imminut akilersinnaasoq

Isumaginninnikkut unammilligassarpassuaqarnerput ulluni kingullerni nalunngereeraluarlutigu uppernarseqqittuusivarput. Annertuunik unammilligassaqarnerput isumaginninnikkullu pisortaniit sullissinitta pitsaanagerusariaqarneranik nassueruteqarnissarput piffissanngorpoq. Sunali tamaat ajortuinnartut isigiinnarnagu aaqiissutissanut sulianillu iluatsilluarsimasunik ingerlatsinissaq aamma piffissanngorpoq.

Assiliaq anginerusoq pivallaarnagu attateeqqat ataasiakkaarlugit suliassallu suliassaqarfinni immikkuutitaarpallaarlugit sularisarneri unitsittariaqarpoq. Suliassat ataqatigiissuunerat unammilligassallu atukkatta pisariaqartippaat assiliaq tamakkiisoq isigalugu aaqiissuteqartarnissat avaqqunneqarsinnaannginnerannik.

Isumaginninnerup iluani isumassortariaqartut isumassorluarneqarnissaat kiisalu atugarissaarnerup inuiaqatigiinnut toqqiissimanermik pilersitsiviusup pitsaasuutikkumallugit piffissanngorpoq ukiunut arlariinnut atuuttussanik partiit akimorlugit isumaqatigiissusiortalernissarput. Naammaleqaaq pissutsit ukiuniut aggersunut sattattuusilluni ilisimasaqarfigivinnagit ingerlattuarneri. Inuiaat kalaallit sullippavut, taakku aningaasaataat aquppagut. Siunissaannut pilersaarummik ersarissumik toqqiissimallutillu allanngoranngitsinuk atugaqarnissaannut pisussaaffipput naammassiniartigu. Suleriaaserpullu allanngortariaqarpoq suleqatigiillaqqinnerusariaqarpugullu.

Aaqiissuusseqqinnerit pisariaqartutut eqqartortuakkavut timalimmik aaqqvissatut aallartiffissatsialaapput. Soorlu akileraartarnikkut aaqiissuusseqqinneq pisariaqarluinnartoq ilaatigullu sulinerup akilersinnaanerulernissanik anguniagaqarneq sammisariaqarparput. Tamatigummi akilersinnaajuaannartariaqarpoq sulinikkut imminut pilersorneq nunamullu kivitseqataaneq. Ullumikkut akilersinnaanera killeqartoq nalunaarummi oqallisigisatsinni aamma uppernarsarneqarpoq. Ukioqatigiiaat pilersuisussatut inissimasut aningaasarsiornermi atukkatigut unamminarnerpaamik inissimasutut naqissuserneqarmata.

Suliffissaaleqineq appariartorpoq apeqqutigerusunnarporlu suliffiit suummita pilersinneqarsimmata suliffissaaleqineq taamak appariartorpa? Nunatsinni inukilliartornerput patsisaava imaluunniit sunaana torrallassimagipput suliffissaaleqisukillisoqartillugu?

Suliffissaaleqisut appariartortillugit sulisussaaleqineq inuussutissarsiornikkut ulluinnarnilu atukkatta pitsaanerulernissaannut unammilligassatta aamma ilagilersimavaat. Sulisussaaleqinerli piugaluartoq naalakkersuinikkut ilisimaaraarput inuusuttorpasuaqartoq, allaat 2.800-t missaani Naalakkersuisuniit amerlassuseqarnerartartunik, ullumikkut ilinniaratillu sulinngitsunik. Ineriartorneq tamanna ernumanarluinnarpoq Naalakkersuisuniillu paaserusupparput inuusuttorpasuit suliffeqarfiit ilinniarfiillu avataanniittut qanoq iliuuseqarfigineqarniarnersut. Ilumoorsinnaangilarmi meeraq inuusuttorlu meeqqat atuarfianit naammassisoq Majoriamiilissalluni anguniagaqarluni atuarfimmit anissasoq. Majoriatut ittunik aaqiissuussimanigut tassaasussaagaluarput piffissaagallartumik aaqiinerit, meeqqat atuarfiinik nammassinnissimanngitsunut imaluunniit ingerlaqqissimanngittunut pikkorissarfissat. Immini illiniarfissatut anguniagassaasussaanngillat. Siusissukkummi iliuuseqarnitsigut taamttut pinngitsoortissinnaavagut.

Inuusuttut suliffissaaleqisut pisortallu allattorsimaffiisa avataaniilersimasut sakkortusisamik sulilernissaat ilinnialernissaallu piaartumik aqutissiuuttariaqalerparput. Ikiorneqarnissaminnik

pisariaqartitsisimappata ikiortariaqarpagut. Ullumi, aqagu siunissamilu inuussutissarsiornermi ineriartornissatsinnut taamatullu nunatut atukkatigut siuariartornissatsinnut pisariaqarteqigatsigit. Inuusuttuunermi uninngaannarfiussanngilaq suliffissaaleqiffiussananilu. Inuiaqatigiinni qimoqataasinnaasut tamaasa pisariaqartippagut isumassortariaqakkavut isumassorluarumallugit.

Toqqissisimallutami ullutsinnullu naapertuuttumik pisariaqartitsinitsinni ikiorneqarsinnaasariaqarpugut, nakorsiarsinnaasariaqarpugut, ineqarsinnaasariaqarpugut – Inooqataasinnaasariaqarpugut atugarissaarnikkut pitsaasumik atugaqarluta. Tamannalu isumaqarpoq pilersuisinaasut pisinnaanermi amerlanerpaat pilersueqataanissaat imminullu napatinnissat.

Ineqarneq

Imminut pilersorsinnaanissami, ilaqutariittut toqqissisimasumik inuuneqarnissami avaqqunneqarsinnaanngilaq toqqissisimaffigisamik angerlarsimaffeqarnissaq.

Ineqarneq pillugu oqallittoqartillugu nunatta ineqarneq pillugu ersarivissumik politikkeqannginnera uparuagassat siullersaraat. Anguniagarmi pingarneq tassaasariaqarpoq nunatsinni peqqarniitsumik avatangiiseqarsinnaasartumi angerlarsimaffeqanngitsoqassanngitsoq. Inuit tamarmik angerlarsimaffeqarnissaat tunngaviummat kivitseqataasinnaasut peqqissumillu inuuneqartut amerlanerunissaannut.

Inuit Ataqtigiit angorusutatta ilagaat initaarnissamut tapiissutit akissaqareersunut tapiissutaannaanatik akissaalatsisunut sammitinneqarnerulissasut. Tapiineq pisariaqartitsisunut tapiinerussaaq. Puigornaguli aamma imminerisamik ineqarsinnaasut periarfissaasaqassammata. Pisinnaasut nammineq ineqarnissaat anguniagaasariaqarpoq pisariaqartitsinerit pisortat inaataanni ullutsinnut naapertuuttunik akilersinnaasaannillu inissaqarnissaat periarfissaqqullugu.

Inissiani oquk aserfallakkiartornerlu inunnut atuisunut peqqinnanngeqisoq akiorniarlugit aserfallatsaaliinermut iluarsartuussinermullu immikkut iliuseqartoqassasoq kissaatigaarput, arlaleriarlutalu oqallisissiaq una aqqutigalugu qaqtarsimavarput tamanna kissaat. Aamma pisariaqarpoq ineqarneq pillugu ingerlatseqatigiiffimmik pilersitsisimaneq akilersinnaanerpaamik aaqqiinerusimanersoq nalilersortissallugu. Ilumullu attartortunut pitsaanerpaamik aaqqiinerunersoq.

Atugarissaarnerulerumalluta ineqarnikkut aaqqiisariaqarpugut. Innuttaasut akilersinnaasaannik ullutsinnullu naapertuuttunik inissiatigut aaqqiinikkut.

Ullumikkut inissaaleqisut initaarnissaminnulluunniit utaqqisut suli amerlaqaat. Allaat Nuummi kommunep inissiaataaniit initaarumallutik utaqqisut amerlanerulersimapput. Angerlarsimaffeqanngitsutut nalunaarsorsimasut 1000-it missaaniipput. Qaa aaqqiiniarta, pissutsit akuersaarneqarsinnaanngillat.

Allaffisornikkut nutarterineq

Pisortat allaffissorneranni anguniagaq pingarneq tassaajuassaaq innuttaasut aporfilersorneqaratik pitsaasumik eqaatsumillu sullinneqarnissaat. Kiffartuussilluarluni aningaasartuutit appasinnerpaaffianiitsinnissaat.

2009-miit ullumimut kisitsisit qiviarutsigit takuneqarsinnaavoq pisortani allaffissornermut aningaasarsianullu aningaasartuutigit qaffakkiartuaaginnavissimasut ilami katikkaanni 2 mia.kr.-it misserpiaanni ukiuni qulingiluani qaffassimasut oqallisigisarta atuagassartaanni takuneqarsinnaavoq. Tassa ukiumut 200 mio.kr.-it sinnilaarlugit qaffattarsimavoq. Piffissami tassani akisussaaffiit ilaat Namminersorlutik Oqartussaniit kommunenut nuussorpagut. Nalinginnaasuusimassagaluarpurlo kommunit aningaasartuutaat qaffakkiartorsimassappata. Taamaanngilarli. Naamminersorlutik Oqartussat aningaasartuutaat aamma qaffakkiartuaapiloorput, ilami qaffannerupput kommunit aningaasartuutaannut sanilliullugit. Sunaana qaffiakkiartuaarnerannut tunngaviusoq? Aningaasartuutit qaffammata innuttaasut inuussutissarsiortullu kiffartuunneqarnerat pitsaanerulerpa? Apeqquterpasuit qaffakaapput.

Pissutsit taamaaginnartussatut isigissanngikkigit Inuit Ataqtigiit isumaqarput. Nutarterisariaqarpugut aamma allaffissorlukkut. Iluarisimaarparpullu politikikkut tamanna pillugu ataatsimoorfeqarnerput oqallinnerni ersertarmat. Isumaqtigiinnerput timitalerniartigu innuttaasunut inuussutissarsiortunullu sullissineq pitsaasoq eqaatsorlu pilersillugu. Pinaveersaartitsineq tamakkiisumillu isiginnilluni aaqqiisarnissarput avaqqissinnaanngilarput. Pisariaqarluinnarpormi imminut artukkinnginnitsini, suliasat oqimaallivinnginnerini siusissukkut sutigit tamtigut iliuuseqarnikkut aaqqiisuteqartarnissap qitiutilernissaa.

Kommunit ilaat allaffissorlukkut nutaaliorlutik aallartisarlualeerput, soorlu Kommune Qeqertalimmi. Uagutsinnut tulluarsakkamik aaqqissuussineq, innuttaasut pitsaanerpaamik pisortaniit aaqqissuussifigineqarnissaanik siunertallit qitiusumiit tapersersortariaqarpagut. Nunatsinni kommunit allaffissorlukkut nutarterillutik aaqqissuusertusuttut aallartisarnearni aningaasaliiffigalugit periarfissarsiorniarta. Kingusinnerusukkut aningaasartuutikinnerulernissatsinnik kiffartuussinermillu pitsaasumik aaqqiinissamik siunertaqarpata.

Akilerartarnikkut nutarterineq – naligiinnerulerneq

Tikillatsiareeraluarlugu naqissuseqqissavara pisariaqarmat nunatsinni inuit inuttut aningaasarsiornerat qiteralugu akilerartarnikkut aaqqissuussinissaq. Inuit atukkamik nalgiiilivissorsinnaanngikkaluartut atugarissaarneq qaffatsinneqassappat naligiinnerusumik atugassaqtartitaaneq inuk qitiutillugu aqutissiuunneqartariaqarpoq. Tamanna isumaqanngilaq tunioraaginnarluni eqartumik siunertaqanngitsumillu aaqqissuussineq. Killormut inuit periarfissinneqassapput sulinermut kajuminnerulersillugit, aamma sulinerup suliffissaaleqisuunermit akilersinnaanerulersinneratigit aaqqissuussinissaq avaqqunneqarsinnaanngilaq.

Akilerartarnikkut assigiimmik atugassaqtartitsineq aamma siunissami allaffissorlukkut aqutissaasoq Inuit Ataqtigiit isumaqarpugut. Pisariaqarsoraarput aamma siunnersuutiginikuuarput kommunit tamarmik assigiimmik akilerarfiulersinneqarnissaat. Tassami imaappoq kommunit ingerlalluartut atugarissaartullu akinik appasinnerpaanik atugassaqtartitaasarput. Kommunillu atugarliortut inuussutissarsiorfeqannginnerusullu tassaasarput akinik qaffasissunik atugassaqarfiullutik ingerlatsiviusut. Nalunngilarput aamma taakuummata isumaginninnikkut eqqugaanerpaasartut, soorlu nalunaarummi tamanna aamma uppersarnerqartoq. Pissutsit taamaannerat Inuit Ataqtigiit eqqarsartaasitsinnut naapertuutinngimmat, partiit allat qanoq isumaqarfigineraat kingumut apeqqutigeqqissavarput.

Tassa avaqqussinnaanngilarput! Piffissanngorpoq, aamma kinguarfeqqissinnaanngilarput akilerartarnikkut aaqqissuuseqqittariaqarpugut. Inuit Ataqtigiit naalakkersuisunut

sakkortuumik kaammattuutigaarput suliassaq aallarteqqullugu, taamaaliornikkut inuit atugarliornerulinnginnissaat aqutissiuukkumagatsigu. Tassami naalackersuisoqarfik suliassap aallartinnissaanut aalajangiisuulluinnartuuvoq. Aningaasaqarnermut Naalackersuisoq suleqatiseraatsigit nutaamik akileraartarnitta tunngavilersornissaanut. Soorlu upernaq manna ataatsimiinnitsinni takusinnaalereeripput aamma partiit amerlanerussuteqarluartut tamanna noqqaassutigaaat. Periarfissaq naalackersuinikkut atorluagassaq suleqatigiiffigisigu.

Ammasumik ingerlatsineq naalackersuilluarnelut

Naggasiutigalugu Inuit Ataqtigiiit erseqqissassavarput, naalackersuisut aningaasaqarnikkut oqimaqtigiiissumik aallaavilimmik siunnerfeqarnerat isumaqtigigatsigu. Angujumasarput tassaavoq inuiaqtigiiit aningaasaataasa eqqortumik tutsuiginartumillu atorneqarnissaat. Tamatta soqtigisarput.

Pisariaqtutut isigaarputtaaq naalackersuilluarnermik, ammasumik peqataatitsiffiusumillu innuttaasunut politikkikkullu ingerlatsisoqassasoq. Paaseqtigiiissinnaaneq, nalorninnginneq, oqaloqtigiiissinnaaneq, tatigeqtigiiinneq, naalaarsinnaassuseqarneq, naapigiaasinnaaneq - tassaammata suleqatigiinnissamut angusaqarnissamullu aqutissiuussisartut pingaarnertit ilaat.

Siunissamut neriummik innuttaasut peqalersitsigit. Atugaat ulluinnarni oqinnerulersitsigit inuiaqtigiiinnut kivitseqataasinnasut amerlanerulersillugit qimoqataalluarnerusinnaalersillugillu. Inukilliartornerput unammilligassatta annerit ilagaat neriummik, toqqissisimanermik siunnerfeqarnermillu takutitsigutta mumisissinnaasarput innuttaqqortusiartoqqilernermik kinguneqartussaqa.,

Inuit Ataqtigiiit piareersimavugut akisussaaffimmik tamatta pigisatsinnik kivitseqataaqqissalluta. Akisussaassulimmik suleqataassalluta. Aningaasarsiorluarnelut sulisartukkunnut akunnattumillu isertitalinnut aamma malugineqarnissaa timitaleeqataaaffigissallugu. Aaqqitassattalu siunissamut ukiunullu arlaqtunut aaqqissusseqqeqataaaffiginissaannut peqataassalluta. Suleqatigiiffissagut aaqqitassagullu uani eqqaanngisakka suli amerlaqaat soorlu angallannikkut pitsanngorsaanissaq.

Suliassatsinni tamani isumaqtigiiittuaannarnavianngilagut, suut tamaasa akunneq ataaseq qaangiuppat aaqqivinnavianngilagut. Suleqatigiinnissamilli anersaaqarutta alloriarneq siulleg tigussavarput.

Qujassutigaarput politikkikkut aningaasaqarnikkullu sammiviit pillugit oqaaseqarsinnaagatta. Tamassi oqallilluarnissassinnik kissaappassi Inatsisartuni naalaartartullu akornanni.